

जय जय गूँजे जी जयकारों थारा नाम को

देव धणी को मन्दिर प्यारो , मालासेरी गाँव जी,
साडू मां का लाल थांको , जग में मोटो नाम जी.
जय जय गूँजे जी जयकारों थारा नाम को.

माह महीना में आप पधारिया , थावर रूड़ो वार जी ।
कमल फूल अवतारी , किदो भक्ता को उद्धार जी ॥
जय जय गूँजे जी

साडू माता गुजरी , तपस्या किन्ही भारी जी ।
मालासेरी डुंगरिया में , आय मिल्या बनवारी जी ॥
जय जय गूँजे जी.....

धन्य मालासेरी डूंगरी , धन्य देमाली धाम जी ।
धन्य साडू मां गुजरी , जोल्या में आया श्याम जी ॥
जय जय गूँजे जी.....

मां साडू का लाडला थें , भुणा जी का बीर जी ।
बालपणा गाये चराता , खारी नदी की तीर जी ॥
जय जय गूँजे जी.....

प्रजापति कैलाश आपको , प्यारो भजन बनायो जी ।
चम्पा लाल मालासेरी वालो , चरणा शीश जुकायो जी ॥
बेड़ो पार लगाओ जी , नारायण थांका दास को ।

प्रजापति म्यूजिकल ग्रुप भीलवाड़ा (राज.)

Source:

<https://www.bharattemples.com/jai-jai-gunje-ji-jaikaro-thara-nam-ko-dev-dhani-ko-mandir-pyaro-malasehri-gaav-ji/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>